



怡情集

縣上梁 御宸翼稿

和 雪亭內姪坦十四日晚

雨 郎次原韻

安爐燒鼎止烹茶日暮聞雷動
集鴉五色雲中含密雨九天霧



外濕輕紗天邊玉兔朦朧曆曲
徑池潭飄落花天意只知培稼
稽而今相賞倍農家

琢句矜鍊鑄局渾成深得少

陵遺意禹都朱綸堂評

和雪亭內姪坦十五日雨

後月下原韵

萬國九州共此天雲收雨過月
當前呼僮抱酒花間酌役使邀
琴月底聯美景堪憐空我過良
朋暢飲醉時眠廣寒宮裡歌聲
舞耳目交加分外妍

蕭洒出塵想見作者心曠神

怡之致 禹都朱綸堂評

東邨席罷途次逢雨 時六月也

東郊晏罷日將西攬轡歸來風

雨迷閃閃電光盈地掣轟轟霹

靂震天低滂沱大雨田家樂道

水洪流我獨泥車馬衣冠渾是

濕催詩杜甫漫留題

語必驚人 不減工部震雷翻

幕燕之句 禹都朱綸堂評

和

湘楚弟自謙詩

自古英明子生來別有光謙謙
度量雅皎皎紅塵強寔大聲宏
遠名標姓字香奚啻當世者並
為後人望

老幹扶疏動與古會禹都朱
綸堂評

贈

自謙弟索詩箋帛詩

金牋玉版出

皇州浮碧殷紅少與儔吾弟愛如

蔡氏幅贈君修賦獻龍樓

五色為文八音成樂禹都朱
綸堂評

和

自謙弟咏秋菊詩

丹粒踈籬對夕陽
延齡高潔耐
經霜羞同桃李媚
春色直待金
風吐異香

工於賦物讀之宛坐我東籬

下 禹都朱綸堂評

和

自謙弟咏 史公塔詩

七層幾與九天齊
山水長連影
障迷身坐碧霄紅
世遠眼觀宇
宙白雲低
四方舍利籌
來往八
處香烟共手携
多寶玲瓏何代

建歷朝廣與並留題

有置身霄漢俯視一切之概

豈非仙才

禹都朱綸堂評

冬日自咏木瓜詩

金衣酸子賽芸香性稟東方別
大黃歸朮曾同療血瘕參芪合

佐濟經僵龍肝獸掌非吾侶秋
菊冬花共我芳人世止知余半
夏還邀螢草伴書堂

襯托雅麗得烘雲托月之妙
禹都朱綸堂評

冬日咏水仙花詩

仙風道骨性飄然淺淡輕黃神
倍妍玉盞金杯常獨酌肯同凡
卉鬪幽鮮

鮮妍悅目濃艷可人李青蓮

清平調三章此作可以嗣音

禹都朱綸堂評

和

自謙弟冬來雪作花

老木何時發三冬氣運來風飄
碎玉落霜結瓊花開樹稼變青
色幽蘭映白梅凝粧天意植旋
轉化工培斜影寒情墜低枝依

石苔誰知老木者堪作上林材
霜皮溜雨四十圍黛色參天
二千尺 禹都朱綸堂評

和

自謙弟積雪為小山
乾坤飄瑞雪冉冉積瑤環萬里

聖顏

瓊花墜九霄玉葉刪尖峯排碧
嶺圓石疊銀山曲徑迷樵路層
岩壅玉關壓松無翠影沾竹有
青斑造物呈祥瑞年豐悅

落筆燦珠璣 禹都朱綸堂評

和

自謙弟冬至至陽生春又來

律應黃鍾候灰飛洩早春八荒
開壽域一氣轉洪鈞陰極循環
伏陽微逐次伸臨前雷復澤泰
後鴈來賓復解山川凍仍吹草

木新彩雲朝 北闕瑞氣賀

嚴宸

包括易象洩透元機禹都朱
綸堂評
迎歲早梅新

陽氣潛回候南枝煖處迎嶺頭
新蕊發竹外嫩香生老樹知機

早魁花獨向榮
冰肌排雪影玉
骨傲金英只仗東風力不假上
苑情春光從此始百卉後勾萌
踈影橫斜暗香浮動傳神只
在阿堵

禹都朱綸堂評

題簾上教子登科圖

人生樂事竟維何
有子方爲知足多裕後
光前勤教育箕裘事業莫蹉跎
傳家耕讀承先訓不
振家聲沐

聖波堪羨靈禽梅上語
聲聲不住教登科

玉樹林立人生快事行將為

老伯臺慶蘭桂之齊芳即於

此詩卜之禹都世姪朱誥識

咏重陽

茱萸美酒會詩筵金菊芙蓉色

色鮮誰謂三秋無勝景桑榆逸

興亭遐年

隨境摠懷雅人樂趣令人想

王摩詰當年殊多懷鄉之感

禹都朱綸堂評

步

容齋主人重九宴集佳興園

原韵二首

九日園中景色開茂林修竹影
徘徊普天雲漢逢秋爽滿地黃
花南燕回魚躍鳶鳥飛時變化落
霞孤鷺射樓臺心神恍若超凡
界咲傲籬間飲菊杯

興高趣遠韻流采溢

禹都朱
綸堂評

其二

名園嘉會玳筵開曲徑流觴滌
繞徊絲竹管絃成俗調鳥歌花
笑似春回池花瑤艸蓬萊景古
木千章映月臺誰謂神仙非我

惟情集卷一
三
輩東籬咲傲飲香杯

擲地可作金石聲

禹都朱綸
堂評

和

武寧石先生續傳青主原韻

四首

冷浸幽人徹骨寒孤床獨卧夢

魂卑神牽翡翠軒中趣惹起情
思緒萬端

情深文明秀骨珊珊

禹都朱
綸堂評

其二

玩梅對月依雕欄冷浸幽人徹
骨寒不似梅花能耐冽怎交名

台清集

卷一詩

三

譽臭如蘭

雅人深致名士風流

禹都朱
綸堂評

其三

朔風陣陣吹茅屋六出飛花斜
壓竹冷浸幽人徹骨寒春來指
日三陽復

丰格高超筆力直透帟背

禹

朱綸堂評

其四

漢室曾營承露盤高臺叠叠似
峯巒侍臣守得精華進冷浸幽
人徹骨寒

逸情江上餘韻繞梁

禹都朱綸堂評

和

武寧石先生索詩箋一律

嘉賓枉顧乏奇觚
荒蕪文辭賽草湖
妄執毛錐汚白壁
狂摘斑管點青蚨
輕裘車馬曾相共
玉

版金牋曷用沽

公若愛如蔡

氏幅贈

君修賦比三蘇

慨當以慷和平溫厚

禹都朱綸堂評

步

文唐弟新入社

原韵

憶昔曾邀入社筵
謙謙不肯共

小雅集卷一
羣鮮今朝園內耆英合始洽情
懷遂昔年

美秀而文溫潤而栗

高都朱
綸堂評

和

清川侯先生偕友冀君處觀
梅飲酒

聞得華堂上寒梅帶笑開同人
三四友歡酌兩雙杯遙挹清幽
趣恨毋賞望來瑤池花映酒蘭
舍雪盈臺庾嶺傳金谷醇醪出
玉醅揮毫乘興舞把臂且歌回
懸想諸公品均堪廊廟材鹿鳴

瓊宴客平地一聲雷

律細辭工諧聲依韻禹都朱綸堂評

贈

武際虞旋里

紅日東昇朝北闕彩雲西向賀
南宮君行值此良時景他日

須當沐

聖寵

屬對精工得未曾有禹都朱綸堂評

步

容齋主人九日宴佳興園韻

天生最貴一男身賦畀彝倫莫

怡情集卷一
可淪天壽窮通自有命榮華富
貴不由人但能盡性尋真樂無
使虛生過夕晨美景良霄歌且
和翩翩濁世出紅塵

見道之言可作座右銘

禹都
朱綸

堂評

和重陽佳興園會飲並訂三
友入社

園宴步清暉尋芳繞砌磯同人
共色笑新客有情微霜葉紅堪
賞東籬綠映衣耆英逢此會不
醉不容歸

台清集

卷一詩

七

雅麗新鮮恍觀勝遊景色都

禹
朱綸堂評

勸

美稷董友遊學失意

登山涉水爲何來夙仰名邦遊
興催欲效卜商傳道學誰知季

子落空回勸君暫歇冲霄念再
向西河志莫灰異日倘酬平昔
願榮歸衣錦寔崔嵬

桃花流水深千尺此詩此意
禹都朱綸堂評

新春喜雪

三陽應律除寒臍六出飛花兆
歲豐四野撒鹽滋宿麥八風碎
玉潤芳叢九天嘉瑞知年稔百
姓隴頭竭厥躬萬國朝元歌

盛世

一人有慶荷恩隆

句句用數目字在首巧如天

孫雲錦

禹都朱綸堂評

八月十四日望月

二七中秋望月華三更夜半覽
天涯誰云此際故吾我影入仙
娥渡海槎

與致遠飛胸襟高曠
禹都朱綸堂評

賀

浮山張觀察先生築園告成
簪纓世胄久聲傳解帶歸來樂
性天高築名園為隱士潛修洞
府學神仙池花瑤草蓬萊景古

木千章碧漢連堪羨桑榆暇逸
福同來共賞永餘年

金玉其質麟鳳其彩
禹都朱綸堂評

中秋望月

今年月似舊年明人到今年歲
又更人老不知月老否月圓月

缺没年庚

筆轉如環雅韻天成恰似唐

人名作禹都朱綸堂評

催詩

先生假意善推辭因為花箋不
送詩今已虔誠貢上去緣何依

舊吝如斯

涉筆成趣只緣胸有轆轤都禹
朱綸堂評

再催

先生若是再言空必托揮毫不
甚工如果心情懶執筆何妨覓

一善書公

筆端有舌詰問入妙

禹都朱綸堂評

要原詩

歪詩疊疊寔堪羞生日淨中孰
與儔若謂書齋不可掛還來茅
舍氣相投

謙厚得風人之旨而作者聲

價自高也

禹都朱詰評

迎代理西席

郭先生

掃榻迎賓至虔誠望

駕來少

施抱負畧可使樺蒙開醫學兼

台清集

卷一詩

三

西席狂狷沾化裁從茲聆教

益有若聽春雷

志和音雅宮鳴商應禹都朱綸堂評

戲問

武寧石先生

何故先生餘剩糧人生惜福

壽延長天宮早定今生祿寧儉

無貪運自昌

意義正大雖戲亦工故詩貴

立體也禹都朱綸堂評

望雨反晴

霽霍數日又逢晴雨澤愆期庚

不庚阡陌商羊隱舞迹山林鳩
婦滅啼聲萬民欣望月離畢遍
地愁瞻虹螭盟百穀三春無播
種皇天豈忍斷蒼生

如繪一副雲漢圖

禹都朱綸
堂評

望雨

望眼連天陰復晴未知何日始
逢庚終朝仰首瞻雲漢徹夜傾
心聽雨聲孰料封姨常肆惡誰
期旱魃與同盟蒼天大發慈悲
念普降甘霖濟衆生
深情曲筆與前作珠聯璧合

禹都朱綸堂評

贈

美稷郭先生

偶遇知音話冗長
雄譚一月倍尋常
聞君復振岐黃業
聊贈微金壯藥囊

本色當行不同風雲月露

朱綸堂評

憶

美稷知音郭先生

別來數日抵三秋
咫尺天涯望海樓
兩地人居神唱和
心同一

怡情集卷一
室寤中求禪房應獲清閒趣茅
屋頻鋪妙運籌爐鼎秘傳施濟
世莫教音信付東流

清新俊逸庾鮑兼長

禹都朱
綸堂評

步

美稷許先生端陽原韻

千門萬戶賀端陽律應蕤賓日
正長滿樹榴花紅結彩盈杯蒲
酒緣堪嘗良辰好友開懷酌紫
塞鴻儒莫意忙乘興高歌酬酢
和君車過處姓名香

彩色秀麗意趣雅贍

禹都朱
綸堂評

端陽日同

許郭二先生聚飲聯韻

律應蕤賓是炎鄉良朋聚飲賞
端陽菖蒲似劍招千福艾葉如
旗引百祥令節龍舟翻綠水佳
辰角黍裹清香遊人適近榴花

席滿座紅顏照玉堂

詩境如鋪錦列繡雕績滿眼

禹都朱綸堂評

雨後月下

雲過雨收月半輪庭前花下酒
三巡西疇隴畔農忙日詩客頻

斟唱和神

雅致翩翩丰神皎皎

禹都朱綸堂評

喜雨

時逢夏至麥秋過普降甘霖育
養禾鳩婦飛鳴紅杏樹商羊鼓
舞綠山坡桑麻戴翠含珠露百

穀沾滋沐

聖波女饁士耕同慶樂南風同慶

聽田歌

詩成珠玉在揮毫

禹都朱綸堂評

三月中旬與

美稷郭先生望雨聯韵

三春農事在時和
怎得東風霖雨多
膏澤愆期民共望
天心應禱足滂沱

骨秀神清天然韶秀

禹都朱綸堂評

聯彈花聲似鳴琴

幽閒書館却居東
隱隱絃鳴西

舍中朗朗書聲聽未息
錚錚雅韻興無窮
余心滿擬瑤琴嚮妙
手原來把硬弓
節奏全憑四指
法徽音只用一樞通

流走之筆綽有雅韻

禹都朱綸堂評

密雲微雨

萬民虔感動天心上帝垂憐碧
漢陰細雨濛瀧非厚澤還祈豐
沛降甘霖

不假雕琢自然完璧

禹都朱
綸堂評

咏公翰業

本是良民稱木匠多端技藝何

高尙龍樓鳳閣出吾手六院三
宮憑我壯

聖帝明王登寶座公侯將相依屏
障有巢創制其來久輸子流傳
無所讓

匠心獨運真造五鳳樓手也
禹都朱綸堂

大風不雨

大風如吼動心樵雨澤愆期望
沃饒畢月相離甘露降萬民樂
業聽歌謠

喜雨

久旱逢甘雨田苗漸漸長反凶

為樂歲大快萬民腸

二首俱寫出真情畫家所謂
摹神之筆禹都朱綸堂評

步

郭知音原韻

潤達襟懷鳶鳳倚雲遊瀟灑獨
行舟時乖且遜蓬萊島運泰開

怡情集卷一詩
三
帆順水流

清光秀色耐人把玩

禹都朱綸堂評

與

美稷諸友聯風花水月

氣靜風清景色幽花篩滿地影
悠悠魚游細水搖歌扇明月當

頭解衆愁

珠聯錦簇集腋爲裘

禹都朱綸堂評

其二

榴花初綻滿堂紅水色滌河照
目中月到天心清異味祥風已
自繞西東

怡情集

卷一詩

三

其三

百川流水聚三江皓月當空照
萬邦千里風塵常不作羣花展
放映紗窓

方圭圓璧動中自然

禹都朱
綸堂評

其四

月色清明分外妍融風暖拂發
藍田庭前花放呈佳瑞魚躍衝
開水底天

咏風雨閒忙

薰風拂拂繞西東霖雨蒼生樂
歲豐閒暇且聯詩幾句忙中偷

怡情集卷一詩
隙暫矇矓

靈機妙緒觸手紛披

禹都朱綸堂評

與

侯石二先生卽席聯韻

嘉賓枉顧猷桑斟此日登龍慰
素心直上扶搖空世界鵬程高

舉萬人欽

其二

滿堂金玉話知音喜得文旌枉
駕臨聚飲談心如素願尤欣城
市亦山林

美玉佳珍聚成大觀

禹都朱綸堂評

怡情集

卷一詩

七

與

友人聯詩酒琴棋四絕

聚首談詩句知心酌酒杯鼓琴
和氣緩棋內顯英才

其二

元酒呈佳味素琴養性天爭先

棋一着洽氣在詩篇

因物賦形巧奪化工
禹都朱
綸堂評

其三

鼓琴來鶴舞橘裏坐棋仙詩貴
驚人句酒中別有天

其四

棋步東山後詩爭李杜篇暢懷
憑酒力琴韻和諸賢

錦繡殺列焜耀各色 禹都朱
綸堂許

書案瓶桃花

灼灼天桃實可人芬芳綽約欲
爭春因憐媚態瓶中插伴我琴

書悅我神

瓶易牡丹

昨日奇葩舊今朝富貴新銀瓶
增煥彩書案絕囂塵逸興詩人
倍醲情酒客頻天香堪晏賞共
祝永長春

文彩秀發

禹都朱綸堂評

瓶中雙牡丹

玉瓶雙富貴錦堂壯綺筵瑤台
花映月蘭舍洞中天恍入沉香
畔疑臨四閣前天香真上品美
麗賽婣娟

喬皇華藻燦然奪目

禹都朱綸堂評

瓶牡丹

一朶奇葩瓶內裝乍臨書案是
天香彩霞碧葉天然綠馥郁金
心分外黃膩體含嬌垂弱態美
肌舞媚吐芬芳錦裳翠蓋真仙

品珮玉雕欄賽國王

國色天香描畫如生

禹都朱
綸堂評

聯分菊花

本是蟾宮攀桂手
權來書舍分
黃花栽培且置東籬下
徐待重
陽晏主家

賦得今年臘月春意動

得春
字

每歲春爲首
今居臘月旬
黃梅
花正發
綠萼蕊初新
律應二陽
候時光已透
春嶺南生意
早塞
北氣方伸
世治春先至
年豐沐

聖仁

一人欣有慶萬國賀

嚴宸

咏除夕

光陰荏苒值除夕歲月如流又
一年天地依然全不老浮生若
夢寔堪憐

白駒過隙千古同慨

禹都朱
綸堂評

慶賞元夜

銀燭朝天慶上元花衢酒市似
蜂喧香車寶馬遍皇國佛火神
燈映月軒鰲駕三山翻陸海鳳
盤雙闕度薇垣笙簧滿地歌聲

惟情集卷一詩
舞共唱昇平頌德音

慶新年

張燈掛彩慶新年萬國調元喜
氣宣世治應時霑雨露熙熙皞
皞樂

堯天

其二

爆竹一聲除舊臘普天同慶過
新年太平瑞氣朝元日匝地歡
聲賀九天

贈武先生

何故遲遲不早回歡娛忘却風

台清集

卷一詩

四

雨催滿心雖欲逍遙散怎奈羈
身承露臺

端莊流麗

禹都朱綸堂評

贈西賓武先生辭歸

二年前日入師筵賓主相訂課
十年未及半塗拋我去有緣之

處却無緣

其二

憶昔曾邀一老師光陰僅度兩
千支私心轉慕少年傳遠大前
途寔有時不料家中因病召歸
心似箭莫能羈誰知半路又拋

撤老少難期亂我思

宛轉關生白描高手

禹都朱
綸堂評

賀友喬梓加官入泮

身鐸鬻宮嗣入庠詩書繼美世
流芳禮官應產禮官子折桂還
生折桂郎變化原來資泮水探

花猶憶採芹香竚看他日賢喬
梓及第聯科到玉堂

步賦得三晉雲山皆北向

漢臺高築潼關地景物環朝應
不殊韓趙魏時雲作畫唐虞夏
日山如圖綿峯森列排朝笏岫

錦平鋪繞

帝都趨向傾心如拱極除非三晉
別皆無

和喜臘中瑞雪

欣瞻瑞雪亂飄來片片飛花映
臘梅萬里江山光玉宇普天雲

漢煥銀臺鵝毛疊疊壓斜竹蝶
翅翩翩蓋露苔今已早知歌大
有何須斗柄指寅回

其二

臘中瑞雪寔爲稀喜得今冬玉
屑霏六出飛花歲自稔八風佩

玉國無飢天心已有眷民意人
事虔修達化机萬國調元歌大
有九州歡忭賀

王畿

與友聯庭前桂樹二株

雙雙桂樹獻庭前時到中秋色

更鮮花蕊綻開香馥馥飄飄郁
郁子珠聯

魚魚雅雅風度端凝

禹都朱
綸堂評

其二

丹桂原來天上種今朝兩樹獻
庭前只因家有讀書子他日高

小竹集卷一
攀發少年

一氣渾成自是完璧

禹都朱綸堂評

其三

雙桂開時八月香一枝高折喜
揚揚步蟾還是詩書子得意歸
來拜華堂

惡泥匠

泥匠胡爲事奔波只爲錢千家
憑我手萬戶用吾拳因此稱技
能賤而好自專水土爲事業可
惡寔無緣

趣筆自然入妙

禹都朱綸堂評

咏圍棋

棋分黑白判陰陽數應週天體
勢方妙運祇須籌畫出神机得
處見優長

送

交唐老仁弟之曲沃新任

寶宮若個是英雄秉鐸原來試
玉驄跨鏡澄清緊攬轡誰知乘
馬似長虹

錦裝玉琢英華燦爛

禹都朱
綸堂評

贈許世兄號詩

少年志氣貴英豪賦畀彛倫漸

漸高學富五車成大業胸羅萬

卷吐洪濤六三之十八歲八歲遊庠序四

七之年着錦袍鳳閣龍樓標姓

字而今且贈甫仁號

渺慮為言動中寔會禹都朱綸堂評

和友秋日感懷

秋高氣爽樹燈檠朗誦長歌快

我情兼聽芭蕉葉上雨丁丁雅

韻叶書聲

詩亦有雅韻鏗然入耳禹都朱綸

堂評

與諸友聯風雨閒忙按四人執業

性情集卷一
風水先生甚是明許岐黃濟世
兩蒼生郭教書課業無閒隙武
忙急東翁望子成主人

其二

堪輿真傳不捉風岐黃普濟雨
同功訓蒙寔力閒時少忙裡偷

安是主翁

按執業作詩大妙禹都朱綸
堂評

賀九十詩

七十原來號古稀行年耄耋孰
能幾自非積德無由致不識養
生莫可希九老香山憑我步添

小竹集卷一
吳
籌海屋乘雲飛人間五福稱爲
首跨鶴腰纏達

帝畿

冠冕恢廓敵無數海屋添籌

文字

禹都朱綸堂評

咏磨磚匠

這個匠工寔苦辛能將磚瓦亮
光勻扁刀砍就方方塊穿鑿雕
成疊疊均兩隻手磨如扯鋸一
雙脚立似偶人雖然不比琢磨
玉也賺人間雪白銀

肖其人以爲詩如話如畫

禹都

朱綸堂評

贈友人報條詩

君家藝術寔稀奇不掛傳單人
不知匪雅之稱名節玷冠冕

冕合時宜

脫手如生才子妙品

禹都朱綸堂評

賀九十詩

人間五福壽為先三達之尊稱
大年七十從來號古稀今君耄
耄孰能攀借非積德何由躋力
行修道自成仙期願百歲眼前
過自在逍遙比漢騫

不雕不琢古意盎然

禹都朱
綸堂評

咏蓮

纖塵不染真君子雲錦芳姿十
里香花綻長簪紅映水風搖短
棹綠波澹西施夜採月迎入越
女朝歌日照光灼爍霞標嬌欲

語落英蓮子似蜂房

紅萼翠蓋錦簇花團

禹都朱
綸堂評

咏三月婚娶

灼灼桃夭正始華佳人才子適
宜家花容映面人如玉燭影交
輝興自餘繫足赤繩前結好題

詩紅葉兩相誇銀河此夕窺牛
女天上雙星度水涯

艷詞麗語嫵娜宜人

禹都朱綸堂評

和春雨晴

每歲春霖貴若油今年天意雨
偏稠桃含宿潤粉紅艷山擁晴

嵐碧翠流彩蝶徘徊喜雨濕黃
鶯百轉樂雲收踏青逸士多高
興鬪草山人亦遨遊

詩意亦如春山雨過石色蒼

翠欲滴

禹都朱綸堂評

咏茜草花

小情集卷一
綠葉紅花稱鳳仙佳人染指最
爲鮮芳姿不減海榴艷媚態風
流惹意牽

艷色染人

禹都朱綸堂評

